

Erfahrung

des ersten Gebois.

V. Buch C. III.

Gut dich nu vnd beware deine Seele wol/das du nicht vergessest der Geschicht/die deine Augen gesehen haben/vnd das siemicht aus deinem Herzen komen alle dein lebenlang. Vnd solt deinen Kindern vnd Kindskindern kund thun den tag/da du fur dem HERRN deinem Gott stundest an dem berge Horeb/da der HERR zu mir sagt / Versamle mir das Volk/das Exod. 19. sie meine wort horen/vnd lernen mich fürchten alle jr lebetag auff Erden/vnd leren jre Kinder.

NAD jr trattet erzu/vnd stundet vnten an dem Berge/Der berg brandte aber bis mitten an den Himmel/vnd war da finsternis / wolcken vnd tunckel. Exod. 19. Und der HERR redet mit euch mitten aus dem Feuer / Die stim seiner wort höretet jr/Aber kein Gleichnis sahet jr außer der stim. Und verkündigt euch seinen Bund/den er euch gebot zu thun / nemlich/die zehn wort/vnd schreib sie auff zwei steinern Tafeln. Und der HERR gebot mir zur selbigen zeit/das ich Exod. 34. euch leren solt/Gebot vnd Rechte/das jr darnach thetet im Land darein jr ziehet/das jrs einnemet.

Bilder

SO bewaret nu ewr Seelen wol / Denn jr habt kein Gleichnis gesehen Exod. 20. verboten zu machen des tages/da der HERR mit euch redet aus dem Feuer auff dem berge Horen so man anbetet rebt. Auff das jr euch nicht verderbet / vnd macht euch irgend ein Bilde/das gleich sey einem Man/oder Weib/oder Vieh auff erden/oder Vogel vnter dem Himmel/oder Gewürm auff dem lande/oder fisch im wasser vnter der erden. Das du auch nicht deine augen aufhebst gen Himmel / vnd sehest die Sonne vnd den Mond/vnd die Sterne/das ganze Heer des Himmels/vnd fallest ab/ vnd bettest sie an vnd dienest jnen / welche der HERR dein Gott verordent hat/allen Völckern vnter dem ganzen Himmel.

EVch aber hat der HERR angenommen/vnd aus dem eisern Ofen/nem Deut. 1.3. lich/aus Egypten gefüret / das jr sein Erbvolk solt sein / wie es ist an diesem tag. Und der HERR war so erzürnet vber mich / vmb ewrs thuns willen/ Num. 20. Das er schwur/ich solt nicht vber den Jordan gehen / noch in das gute Land komen/das dir der HERR dein Gott zum Erbteil geben wird / Sondern ich mus in diesem Lande sterben / vnd werde nicht vber den Jordan gehen/Jr Deut. 24. aber werdet hinüber gehen/vnd solch gut Land einnehmen.

SO hütet euch nu/das jr des Bunds des HERRN ewrs Gottes nicht vergesset/den er mit euch gemacht hat/vnd nicht Bilder machet einicher gleichnis/wie der HERR dein Gott geboren hat. Denn der HERR dein Gott ist Ebre. 12. ein verzehrend Feuer/vnd ein ewiger Gott.

Wenn jr nu Kinder zeuget vnd Kindskinder / vnd im Lande wonet/ vnd verderbet euch/vnd machet euch Bilder einicherley gleichnis/das jr vbel thut fur dem HERRN ewrm Gott / vnd jr in erzürnet. So rufse ich heuts tages vber euch zu zeugen Himmel vnd Erden/ Das jr werdet bald vmb Levi. 26. komen von dem Lande/in welchs jr gehet vber den Jordan/das jrs einnemet/ Deut. 28. Jr werdet nicht lange drinnen bleiben/sondern werdet vertilget werden. Und der HERR wird euch zustreuen vnter die Völcker / vnd werdet ein geringe Pöbel vbrig seyn vnter den Heiden/dahin euch der HERR treiben wird. Da selbs wirstu dienen den Göttern/die Menschen hende werck sind/holtz vnd Stein/die weder sehen noch hören/noch essen/noch triechen.

Wenn du aber daselbs den HERRN deinen Gott suchen wirst/So wirstu jn finden/wo du jn wirst von ganzem Herzen vnd von ganzer Seele suchen. Wenn du geengstet sein wirst / vnd dich treffen werden alle diese ding in den letzten tagen / So wirstu dich bekeren zu dem HERRN deinem Gott/vnd seiner stimme gehorchen. Denn der HERR dein Gott ist ein barmherziger Gott/Er wird dich nicht lassen noch verderben/wird auch nicht vergessen des Bunds den er deinen Vatern geschworen hat.

Dann